

漢封泥考畧

進宦自署

# 漢封泥考略

鎮江陳直進宦撰

後漢書百官志云少府屬官有守宮令一人秩六百石主御紙筆墨尚書財用諸物及封泥由是言之封泥職有專掌制度之廢其在簡帛代紙之後乎清代道光之季蜀中出嚴道橘園等六封泥會稽趙氏著錄於續寰宇訪碑錄嗣後齊魯西蜀各有發見挽周文字什塵一二福山王氏吳縣潘氏吾鄉劉氏海寧鄒氏上虞羅氏吳興周氏搜輯夥頤蔚為耑家以出土者論之皆為西漢景武昭宣間物文字或鮀秀或雄駿極可愛玩今萃考諸家所藏刪私印及重文條次如左漢百官凡二十枚曰奉常之印案漢書百官公卿表云

以下省稱公卿表

奉常秦官景帝中六



年更名太常曰孝昭園令公卿表云奉常屬官有諸廟寢園食  
官令長丞曰公車司馬公卿表云衛尉屬官有公車司馬令丞  
曰捫馬農丞公卿表云太僕屬官有家馬令武帝太初元年更  
名捫馬有五丞一尉農丞蓋五丞之一可以補漢書之未詳曰  
少府之印公卿表云少府秦官掌山海池澤之稅以給共養曰  
樂府鐘官公卿表云水衡都尉屬官有鐘官令丞曰尚書令公  
卿表云少府屬官有尚書令丞曰大官丞印公卿表云少府屬  
官有大官令丞曰導官導丞公卿表云少府屬官有導官令丞  
導丞主擇米事曰居室丞印公卿表云少府屬官有居室令丞  
曰中尉之印公卿表云中尉秦官武帝太初元年更名執金吾

曰大匠丞印公卿表云將作少府秦官有兩丞景帝中六年更名將作大匠曰右校丞印公卿表云將作大匠屬官有右校令丞曰私官丞印公卿表云詹事屬官有私府長丞私官疑為私府之初名曰大長秋印公卿表云將行秦官景帝中六年更名大長秋曰鐘官火丞公卿表云水衡都尉屬官有鐘官令丞火丞漢表未詳曰技巧錢丞公卿表云水衡都尉屬官有技巧令丞錢丞主鑄錢者曰中私官丞曰宮司空丞曰雒陽宮丞均未詳齊百官凡四十八枚曰齊悼惠寢漢書悼惠王傳云惠王名肥高祖六年立食七十餘城後十三年薨子襄嗣謚哀王惠王九子長哀王次景王次濟北王次齊孝王次濟北王次濟南王

次留川王次膠西王次膠東王吳楚七國之亂諸王絕滅惟留  
川傳九世至永王國除現出封泥以齊為最多當為留川王及  
懿王時物無疑悼惠王傳又云武帝為悼惠王冢園在齊乃割  
臨留東園悼惠王冢園邑盡以予留川令奉祭祀印文寢廟即  
園廟也曰齊哀園印曰齊哀寢印悼惠王傳云惠王長子襄為  
齊哀王傳子文王亡後諸侯王表云哀王以孝惠七年立十一  
年薨曰齊口寢長泐處當為哀字與哀園封泥正同曰留川丞  
相漢書地理志云留川屬留川國公卿表云諸侯王國內有大  
傅輔王內史治國民中尉掌武職丞相統衆官羣卿大夫都如  
漢朝封泥之丞相為留川王自置之官故冠地名以別王朝曰



臨留丞相地理志云臨留屬齊郡丞相亦齊王自置之官曰齊御史大夫公卿表云御史大夫秦官位上卿銀印青綬掌副丞相悼惠王傳云惠王得自置二千石徵此益信曰齊內史印公卿表云諸侯王國有內史掌治國民悼惠王傳有內史士史記倉公傳又有內史臣繇曰齊祠祀印曰齊大祝印公卿表云太常屬官有太祝令丞景帝中六年更名祠祀武帝太初元年更曰廟祀馮氏金石索有沛祠祀長印亦為景武之間制作曰齊樂府印公卿表云太常屬官有太樂令丞樂府疑即太樂之初名曰齊食官丞公卿表云太常屬官諸廟寢園食官皆有長丞又濰縣陳氏藏膠東食官令金刀梁王食官鍾信都食官殘鐙

與此均可互證曰齊太史令公卿表云太常屬官有太史令丞  
曰齊郎中印曰齊郎中丞公卿表云郎中令秦官武帝太初元  
年更名光祿勳有丞屬官有郎中議郎郎中史記倉公傳有齊  
郎中令循曰齊□僕□僕上當為太字公卿表云太僕秦官則  
僕下當為印字或丞字史記倉公傳有齊太僕臣饒曰齊中廐  
印公卿表云太僕屬官有大廐令丞中廐未詳蓋齊國之特置  
金日磾傳云日磾養馬中廐當日王朝或亦設中廐歟曰齊大  
行印公卿表云典客秦官掌諸歸義蠻夷有丞景帝中六年更  
名大行令曰載國大行載當為縣名地理志不載封泥又有載  
丞之印當為王子侯分封之邑故得稱國曰齊內官丞公卿表

云內官長丞初屬少府中屬主爵後屬宗正曰齊鐵官印公卿  
表云郡國陂池鹽鐵各官均屬治粟內史以地理志考之鄭夏  
陽雍弘農宜陽安邑皮氏平陽太原隆慮河南陽城隴西平郭  
郁秩宛沛武安千乘東平陵歷城羸臨留牟琅玕下邳鹽漬臨  
邳武陽南安夕陽莒魯彭城等郡縣皆有鐵官鹽鐵以齊魯為  
多故封泥獨夥曰琅玕左鹽郡國鹽官以地理志考之晉陽巫  
堂陽章武千乘都昌壽光琅玕曲成牟輗昌陽當利海曲計斤  
長廣臨邳南安朐忍隴西三水弋居獨樂龜茲富昌沃野成宜  
樓煩漁陽泉州平郭番禺高要皆有鹽官此云左鹽者蓋有左  
右丞也曰齊鐵官長曰齊鐵官丞曰臨留鐵丞公卿表云大司



農

治粟內史改

屬官有鐵官長丞曰齊太倉印公卿表云大司農屬

官有太倉令丞齊太倉稱長不稱令史記倉公傳淳于意為太倉長是也曰司空之印公卿表云少府屬官有司空令丞曰齊大官丞公卿表云少府屬官有大官令丞員七人曰齊中謁者公卿表云少府屬官有中書謁者令丞成帝建始四年更名中謁者據封泥景武間已有此稱曰齊御府印公卿表云少府屬官有御府令丞史記倉公傳云齊中御府長信病御府上冠以中字與中廐中匠一例曰齊御府丞封泥凡稱某官之印皆為令長觀御府兩印可知其例矣曰齊官者丞公卿表云少府屬官有官者令丞曰永巷令丞公卿表云少府屬官有永巷令丞

員八人曰齊中左尉公卿表云中尉秦官武帝更名執金吾悼  
惠王傳云中尉魏勃史記倉公傳云齊中尉潘滿如病少腹中  
尉分左右疑留川王時制度曰齊武庫丞公卿表云中尉屬官  
有武庫令丞曰齊大匠丞公卿表云將作大匠秩二千石丞一  
人秩六百石曰齊中匠印公卿表有大匠無中匠予疑王國景  
帝中五年後不能用大字改作中字例如封泥易大匠為中匠  
易大廐為中廐大長秋則削大字皆可考見漢制也曰齊長秋  
印公卿表云詹事屬官有大長秋及中長秋曰率更之印公卿  
表云詹事屬官有太子率更令丞曰齊都水印公卿表云水衡  
都尉屬官有都水令丞員三人曰臨留司馬司馬為漢代屬官

之稱如別部司馬假司馬是也郡縣設司馬當類於丞尉曰齊  
宮司空曰齊宮司丞史記倉公傳云北宮司空命婦病當即齊  
之宮司空他無所見曰齊長工印曰齊中傳印曰齊昌守丞曰  
曰齊中左馬曰齊中右馬均未詳梁楚官凡九枚曰梁丞相公  
卿表云諸王國有丞相統衆官羣卿大夫都如漢朝景帝中二  
年改丞相曰相封泥中稱丞相者景帝以前物稱相者中二年  
以後物史記梁孝王世家云孝文二年以勝為梁王封泥當為  
勝之丞相所用曰楚永巷印史記楚元王世家云元王交以高  
祖六年即位二十三年卒子夷王郢立文字當在景武之間曰  
長沙內史曰長沙都水史記漢興以來諸侯三年表云長沙王



吳芮五年薨六年子成王曰代相之印史記梁孝王世家云孝文二年以孝王武為代王封泥當在其時若云文帝封代王則當稱丞相若云代郡則當稱太守矣曰淮陽相印史記梁孝王武以孝文二年立為代王二歲徙為淮陽王地理志云淮陽國高帝十一年置曰泗水相印史記諸侯王年表云常山憲王子商以元鼎四年封泗水王曰膠東相印史記諸侯王年表云膠東王雄渠以文帝十六年封齊悼惠王子也曰高密相印地理志云高密國故齊宣帝本始元年更名高密國太守郡尉凡二十七枚曰太原守印公卿表云郡守秦官景帝中二年改為太守封泥稱守者為景帝以前物稱太守者中二年以後物地理

志云太原郡秦置曰臨畱守印地理志云臨畱屬齊郡分郡未詳在何時疑為齊王自置之郡曰南郡守印地理志云南郡秦置高帝元年改為臨江郡景帝中二年復曰濟北守印漢郡無名濟北者悼惠王傳云肥子志為濟北王濟北為悼惠王屬邑得以分郡封泥即在其時封子以後則當稱濟北相矣曰清河太守地理志云清河郡秦置曰河間太守地理志云河間故趙文帝二年別為國分郡雖未詳何時當在文帝以前曰即墨太守地理志云即墨縣屬膠東國當亦齊王自置之郡曰南陽太守地理志云南陽郡秦置曰五原太守地理志注云五原為秦九原郡武帝元朔二年更名曰代郡太守地理志云代郡秦置

曰遼東太守地理志云遼東郡秦置曰遼西太守地理志云遼  
西郡秦置曰廬江太守地理志云廬江郡故淮南文帝十六年  
別為國曰常山太守地理志云常山郡高帝置曰泰山太守地  
理志云泰山郡高帝置曰武都太守地理志云武都郡武帝元  
鼎六年置曰天水太守地理志云天水郡武帝元鼎三年置曰  
巴郡太守地理志云巴郡秦置曰犍為太守地理志云犍為郡  
武帝建元六年置曰越雋太守地理志云越雋郡武帝元鼎六  
年置曰蜀郡太守地理志云蜀郡秦置曰沂郡太守未詳曰無  
鹽太守地理志云無鹽屬東平國注故梁國此當為梁孝王自  
置之郡曰城陽郡尉悼惠王傳云內史士曰今王有七十餘城



而公主廼食數城王誠以一郡上太后為公主湯沐邑太后必  
喜王無患矣於是齊王獻城陽郡以尊公主為王太后據此城  
陽為悼惠王自置之郡無疑公卿表云郡尉秦官典武職秩比  
二千石有丞景帝中二年更名都尉曰蜀郡都尉曰琅玕都尉  
曰廣漢都尉皆景帝中二年以後制作侯相令長丞尉凡百三  
十四枚曰辟陽侯相曰南宮侯相均屬信都國

以下省書地理志

公卿

表云列侯所食國令長名相高惠功臣表云辟陽侯審食其以  
舍人初起侍呂惠考惠二歲十月呂后入楚食其侍從一歲侯  
元康四年食其曾孫復家曰平昌侯相屬平原郡琅玕郡亦有  
平昌曰平原相印屬平原郡王子侯表云宜成康侯偃菑川懿

王子注云屬平原郡侯相蓋宜成侯之相也曰安國侯相屬中山國高惠功臣表云安國侯王陵高祖二年八月封曰管侯相印屬濟南郡王子侯表云管侯罷軍齊悼惠王子孝文四年五月封曰徐令之印屬臨淮郡公卿表云縣令長皆秦官萬戶以上為令減萬戶為長皆有丞尉曰燕令之印燕地理失載徐樂傳云燕郡無終人也當為漢初之郡縣曰薊令之印屬廣陽國曰新都令屬南陽郡曰西成令屬漢中郡曰牛鞞長印屬犍為郡曰襄陽長印屬南郡曰灕街長印屬越雋郡曰汁祁長印屬廣漢郡曰嚴道長印屬蜀郡曰長安丞印曰新豐丞印均屬京兆尹曰臨晉丞印屬左馮翊曰槐里丞印曰虢丞之印均屬右

扶風曰新安丞印屬弘農郡曰安邑丞印曰蒲反丞印均屬河東郡曰陽翟之印屬潁川郡曰平陽丞印屬魏郡曰雒陽丞印曰卷丞之印均屬河南郡曰蘄丞之印屬沛郡曰靈壽丞印曰九門丞印均屬常山郡曰高陽丞印屬涿郡曰高唐丞印曰樂陵丞印曰平原丞印均屬平原郡曰屯留丞印屬上黨郡曰千乘丞印曰狄丞之印曰樂安丞印曰博昌丞印均屬千乘郡曰臨菑丞印曰西安平丞曰臨朐丞印均屬齊郡曰都昌丞印曰平壽丞印曰營陵丞印曰淳于丞印均屬北海郡曰東牟丞印曰夜丞之印曰牟丞之印曰緇丞之印曰黃丞之印均屬東萊郡曰東平陵丞曰於陵丞印曰般陽丞印曰驕丞之印均屬濟